

Radøy kommune

Saksframlegg

Saknr	Utval	Type	Dato
018/2017	Formannskapet i Radøy	PS	16.03.2017
010/2017	Kommunestyret i Radøy	PS	30.03.2017

Sakshandsamar	Arkivsaknr.:	Dokumentnr.:
Sveinung Kvamme	17/120	17/2397

Kommunal garanti for lån Kviste/Bognøy småbåtlag

Saksopplysingar:

Det ligg føre søknad frå Kviste/Bognøy småbåtlag om kommunal garanti for lån til oppgradering av molo. Det skal murast opp innsida med kombinert betong/naturstein, toppdekket skal avrettast og hevast, og brystvernet skal forbetrast. Det skal også leggjast opp med straum og lys utover moloen.

Det er lagt fram eit budsjett for prosjektet, med ei samla kostnadsramme på 1,78 mil.. eigenkapitalen er på om lag 283.000 og resten er finansiert ved lån på 1,5 mill med nedbetaling over 20 år. Årleg innbetaling av kontingent dekkar rente- og avdragskostnader på lånet.

Laget har 48 medlemmer, og det er venteliste for å få plass.

Etter forskrift om kommunale og fylkeskommunale garantiar, kan kommunen gje garanti for virksomhet som vert driven av andre enn kommunen sjølv. Det er derimot ikkje høve til å gje garanti knytt til næringsverksemd. Ei småbåthamn er ikkje direkte næringsdrift, og Kviste/Bognøy småbåtlag er registrert i einingsregisterert som ideell organisasjon. Rådmannen vurderer det som innafor gjeldande regelverk å gje kommunal garanti for lån til denne småbåthamna. Det har ikkje vorte gitt kommunal garanti til tilsvarande føremål tidlegare, utan at rådmannen ser nokon presedens i det.

Rådmannen vurderer risikoen ved garantien som låg.

Rådmannen legg til grunn at dette er eit søknadspliktig tiltak, og det er såleis ein føresetnad for å gje kommunal garanti at tiltaket er godkjent av byggesaksavdelinga i Radøy kommune.

Rådmannen går inn for å gje kommunal garanti for lån inntil 1,5 mill til Kviste/Bognøy småbåtlag. Garantitida er maksimalt 20 år, og garantien skal nedskrivast til resterande beløp kvart år. Det er ein føresetnad at tiltaket er godkjent av byggesaksavdelinga i Radøy kommune. Garantivedtaket må godkjennast av fylkesmannen i Hordaland.

Rådmannen sitt framlegg til vedtak:

Radøy kommune gir kommunal garanti for lån inntil 1,5 mill til Kviste/Bognøy småbåtlag. Garantitida er maksimalt 20 år, og garantien skal nedskrivast til resterande beløp kvart år. Det er ein føresetnad at tiltaket er godkjent av byggesaksavdelinga i Radøy kommune. Garantivedtaket må godkjennast av

fylkesmannen i Hordaland.

Formannskapet i Radøy - 018/2017

FS - handsaming:

Formannskapet drøfta bruk av kommunal garanti og ulike problemstillingar knytt til dette. Kenneth Murberg (H) peika mellom anna på prinsipielle sider ved å gje kommunal garanti. Taule Murberg og Else Marie Skartveit Dale (KrF) gjorde det klart at dei med eit visst atterhald røystar for rådmannen sitt framlegg til vedtak.

Formannskapet vedtok samrøystes rådmannen sitt framlegg til vedtak.

FS - vedtak:

Radøy kommune gir kommunal garanti for lån inntil 1,5 mill til Kviste/Bognøy småbåtlag. Garantitida er maksimalt 20 år, og garantien skal nedskrivast til resterande beløp kvart år. Det er ein føresetnad at tiltaket er godkjent av byggesaksavdelinga i Radøy kommune. Garantivedtaket må godkjennast av fylkesmannen i Hordaland.

Kommunestyret i Radøy - 010/2017

KS - handsaming:

Rådmannen orienterte om ulike sider ved ordninga om kommunal lånegaranti.

Kenneth Taule Murberg (H) gjorde det klart at Høgre vil stemma i mot framlegget om å gje kommunal garanti til småbåtlaget. Han fryktar at eit positivt vedtak vil skapa presedens. Han peika på at dette også handlar om eit tiltak som er avgrensa til 48 båtplassar - og dermed ikkje er eit tilbod som vil vera tilgjengeleg for alle.

Taule Murberg sette fram følgjande framlegg:

Radøy kommune avslår søknaden frå Kviste/Bognøy småbåtlag om kommunal lånegaranti.

Dersom formannskapstilrådinga vart vedteken, ville Taule Murberg at det vart røysta over følgjande tilleggsframlegg:

Radøy kommune vil senda ut brev til alle småbåthamner og andre fritidsinteresser, med oppfordring om å endra organisasjonsstruktur til "ideell organisasjon", slik at dei kan bli likebehandla og tilfredsstillar vilkår for kommunal garanti og støtte.

Leif Taule (SP) signaliserte at SP er villig til å vera med og halda nede lånekostnadane for ideelle organisasjonar ved å gje kommunal lånegaranti. I den konkrete saka meiner SP det er nødvendig for søkjar å ta på seg ein langt større eigenkapital, og at lånesum og nedbetalingstid blir betydeleg mindre. Taule ønskte også å krevja ein sikkerheit frå styret i småbåtlaget i fall laget ikkje maktar å overhalda forpliktingane sine til banken.

Etter ei nærare drøfting i kommunestyret konkluderte Taule med at det vil vera ryddigast å røysta i mot kommunal lånegaranti.

Formannskapstilrådinga fekk ingen røyster, og fall.

Framlegget frå Kenneth Taule Murberg (H) vart samrøystes vedteke.

KS - vedtak:

Radøy kommune avslår søknaden frå Kviste/Bognøy småbåtlag om kommunal lånegaranti.

Vedlegg:

Søknad Kommunal garanti - småbåthamn (L)(113536)